



Inatsisartunut ilaasortaq Sofia Geisler  
Inuit Ataqtigiit

### § 37 apeqqummut nr. 365-2019-imut akissut.

Asasara Sofia Geisler

Inatsisartut Suleriaasianni § 37, imm. 1 naapertorlugu Naalakkersuisunut makkuningga apeqquteqarputit. Apeqqutitit uannut akineqartussanngortillugit innersuunneqarput.

1. §37\_352/2019-mut akissummini Naalakkersuisut allapput ilumoortoq aqutsisoqarfiup pisortaa kiisalu Peqqinnissaqarfiup inissianik attartorfigisartagaa aappariittut.

- A) Naalakkersuisut ilisimatitsissutigisinnaavaat aqutsisoqarfiup pisortaa-ta aapparisaanik pigineqartut / piginneqataaffigineqartut suliffeqarfiit qassit Peqqinnissaqarfimmik isumaqatigiissusiorfigineqarsimanersut?

Peqqinnissaqarfik suliffeqarfinnik arfineq-marlunnik 3/12-2019-imi niueqateqartarpoq, taakkununga aqutsisoqarfiup pisortaata aappaa attartukkanik piginnittunut ilaalluni. Inissiaatinik attartornissamut isumaqatigiissusiorqarnikuuvoq arfinilinnik.

- B) Naalakkersuisut ilisimatitsissutigisinnaavaat illuutit Peqqinnissaqarfimmit maannakkut attartorneqartut ilaat qassit aqutsisoqarfiup pisortaata aapparisaanik pigineqarnersut / piginneqataaffigineqarnersut?

Nuummi Peqqinnissaqarfik 250-it missaanniittunik attartugaqarpoq, katillugit 375-it missaannik inissiaatilinnik. Attartukkat sulisunut inissiaapput utaqqiisaagallartumillu inissiaallutik. Inissianit taakkunanga attartukkat 25-t miss. INI aamma Illuut A/S avaqqullugit attartugaapput. Attartukkat tallimat aqutsisoqarfimmi pisortap uianit attartugaapput, taakkulu katillugit 20-t miss. inissiatut/utaqqiisaasumik inissatut atorneqartarput, taakkunanga ataaseq 14-inik ataatsimik initalinnik inissiartaqarluni.

INI aamma Illuut A/S avaqqullugit attartortakkanik ikilisaaneq ingerlaavartumik sulissutigineqarpoq.

Taassuma saniatigut queqarfimmik attartugaqarpoq aqutsisoqarfiup pisortaata aappaa attartukkanik piginnittunut ilaalluni.

Tamatuma saniatigut toqqorsivik aqutsisoqarfiup uianiit attartorneqarpoq.

06-01-2020  
Sags nr. 2019 - 27054  
Akt nr. 12623076

Postboks 1160  
Tlf: 34 50 00  
Fax: 34 55 05  
3900 Nuuk  
Email: [pn@nanog.gl](mailto:pn@nanog.gl)  
[www.naalakkersuisut.gl](http://www.naalakkersuisut.gl)

**2. §37\_352/2019-mut akissumminni Naalackersuisut allapput 6. Februar 2017-ip kingorna isumaqatigiissutinik nutaanik atsiortoqarsimangitsoq.**

**- Naalackersuisut isumaqarpat illumi Nota Benep kiisalu A/S-ip Ini-p akornanni inissisimasumik attartornissamut isumaqatigiissutip 2019-imi nutarteqqinneqarnera isumaqatigiissutitut nutaatut isigineqassanngitsoq?**

Napparsimasunut akunnittarfik pillugu isumaqatigiissummik nutaamik atsiortoqarnikuunngilaq. Napparsimasunut akunnittarfik pillugu isumaqatigiissummiit issuaaneq imaappoq:

*"3.2 Illuatungeriit tamarmik attartortitsineq 31.12.2018 tikillugu atorunnaarsissinnaanngilaat.*

*Attartortitsinermik atorunnaarsitsissinnaannginnerup qaangiunnerani kingusinnerusukkulluunniit illuatungeriit tamarmik qaammatinik aqqaneq-marlunnik sioqqutsisumik allakkatigut kalerriillutik atorunnaarsitsissinnaapput qaammatip naaneranut atuutilersusamik. Attartortitsineq taamaalilluni siusinnerpaamik atorunnaarsinneqarsinnaavoq 31.12.2019-imiit atuutilersumik."*

**3.Suliffeqarfinnik aqutsisoqarfiup aapparisaata pigisaanik / piginneqataaffigisaanik Peqqinnissaqarfiup isumaqatigiissuteqarsimanera unammilleqatigiinnermi atugassarititaasut aallaavigalugit pisimanersoq Peqqinnissaqarfiup qanoq iliorluni qulakkeersimavaa?**

Peqqinnissaqarfimmi sulisut aqutsisoqarfimmi pisortap uiata soqutigisaqarfigisaanut tunngasuni isumaqatigiissuteqartartuusut ilisimavaat aqutsisoqarfimmi pisortaq taamaattoqartillugu aalajangeeqataasinnaasanngitsoq.

Ernst & Young-ip nalunaarusiaani aqutsisoqarfimmi pisortap uianik niueqateqartarneq pillugu ilaatigut imaattoq ersersinneqarpoq:

*"Attartornermut isumaqatigiissuteqarnissaq sioqqullugu illuutit naleqquttut pillugit paasissutissanik pissarsiniarluni illoqarfimmi illunik attartortitsisartut sianerfigineqartartut ingerlatsinermut pisortap paasissutissiissutigaa. Isumaqatigiissuteqarnissaq sioqqullugu isumaqatigiinniarnerni akiusoq piffissamilu sivikitsumi attartorsinnaaneq ilaatigut pingaartinneqartarput, tassa aqutsisoqarfik namminersorlutik ingerlatsisut illuutaannik tunngaviatigut attartoqqusaanngimmat. Taamaattorli akunnittarfinni ininut annertuumik aningaasartuuteqarumanani tamanna aqutsisoqarfimmit pisariaqartutut isigineqartillugu pisarpoq. Aqutsisoqarfimmi pisortaq suliami taamaattumi imaluunniit suleqatissamik inaarutaasumik toqqaasarnerni peqataaneq ajorpoq."*

Nalunaarusiap inerniliinertaani ersersinneqarpoq imaattoq:

*"Aammattaaq aqutsisoqarfimmi pisortat suliamut attuumassuteqarnini nalorninartinneqarsinnaatillugu aalajangigassani peqataasannginnissani eqqummaariffigilluinnaraa isumaqarpugut".*

Aammalu:

*"Suliffeqarfinnik aqutsisoqarfiup pisortaata katissimallugu aapparisaata piginnittut immikkut soqutigisaqarfigisaanik uagut isumarput malillugu suliffeqarfiit taakku*

*salliutinneqarnissaannut isornartorsiorneqarsinnaasunik isornartorsiorneqartariaqartu-  
nilluunniit atuisoqarsimaneranut takussutissanik misissuinitinni nassaanngilagut.”*

**4.Naalackersuisut ilisimatitsissutigisinnaavaat peqqinnissaqarfiup pingaarnertut suliaasa, tassalu katsorsaanermik paaqqutarinninnermillu suliaasat, avataaniittunik suliaasanik isumaqatigiittoqassatillugu periutsit malitassallu suut atuunnersut?**

Peqqinnissaqarfiup pisiniarnermut immikkoortortaqaafiata inatsisilerinermik piginnaasaqartup isumaqatigiissutit isumagisarpai, aamma immikkoortortaqarfik taanna isumaqatigiissutinik ilusilersuinermi nalinginnaasumik peqataatinneqarlunilu isumaqatigiissusiortuusarpoq, kiisalu isumaqatigiissusiornermut tunngasutigut Peqqinnissaqarfimmi qullersanut siunnersuisuusarpoq, aamma pissutsinut Peqqinnissaqarfiup ingerlanneqarneranut pingaarutilinnut tunngatillugu.

Pisortat oqartussaaffigisaanni suliffeqarfiinilu nioqqutissanik kiffartuussinernillu pisiniarnermut tunngatillugu neqerooruteqartitsisarneq pillugu Inatsisartut inatsisaat nr. 6, 12. juni 2019-imeersoq kiisalu Sanaartornermi neqerooruteqartitsisarneq pillugu Inatsisartut inatsisaat nr. 11, 2. december 2009-meersoq malillugit isumaqatigiissuteqartoqartarpoq pilersuisussamillu toqqaasoqartarluni.

Inatsisartut inatsisaa nr. 6, 12. juni 2019-imeersoq atuutilingikkallarmat isumaqatigiissuteqarneq pilersuisussamillu toqqaaneq pisarpoq Namminersorlutik Oqartussat qitiusumik allaffeqarfiani suliffeqarfiinilu nioqqutissanik kiffartuussinernilu pisiniarneq pillugu Kaajallaatitaq 24. september 2010-meersoq naapertorlugu.

Pisiniarnermut Immikkoortortaqarfiup inissianik attartornermut isumaqatigiissuteqarneq suliarisanngilaa, tamannami Peqqinnissaqarfiup Ininik Aqutsisoqarfianit akisussaaffigineqarpoq.

**5.Danmarkimi inissisimasumik aalajangersimasunillu atorfeqartitsilluni ingerlatanik sulisussarsiornermik isumaginittussamik immikkoortortamik Peqqinnissaqarfik pilersitsisimavoq.**

**- Naalackersuisut ilisimatitsissutigisinnaavaat sulisussarsiornermik isumagisaqartup Danmarkimiittup pilersinneqarnerminiit ukiumut aningaasat kr / ørit qassit atortarnerai, tassalu qanoq aningaasartuutaanersoq?**

Sulisussarsiorarneq pillugu siunnersuisartut Danmarkimilu suliniuteqarneq HR-imut immikkut aningaasartuutaasanngilat. Taamaallaalli suliniutip pingaarnep Nuummiit Københavnimut nuunneqarnera pineqarpoq.

Tamatumunga atatillugu sulisussarsiornermut aningaasaliisoqanngilaq. Suliniut Danmarkimut 2017-imi ukiup affaani siullermi nuunneqarpoq.

Takoqqusaarutit, nittarsaassinerit akissarsiallu aqqutigalugit ukiut tallimat kingulliit ingerlanerini sulisussarsiornermut toqqaannartumik aningaasartuutit naatsorsuusiami ataaniittumi takuneqarsinnaapput.

Sulisussarsiornermi pitsaanerusemik isumaqatigiissuteqartarnissaq, angalanermut aningaasartuutikinnerunissaq sulisussarsiornermilu il.il. nammineq nittartakkatsinnik atuinerunissaq 2018-imiit 2019-imut ukkatarineqartorujussuuvog.

Aningaasartuutit t.kr. (atuinivik)

2019: 2.201 (pr. 19/12 2019)

2018: 3.170

2017: 2.742

2016: 2.675

2015: 3.540

**6.Naalackersuisut ilisimatitsissutigisinnaavaat sulisussarsiornermik suliaqartup immikkoortortap Danmarkimi pilersinneqarsimasup tigussaasumik qanoq iluaqutitaqarnera, sulisoqarnermut immikkoortortaq Peqqinnissaqqarfimmi pigineqareersoq innersuussutigalugu?**

Ilisimaneqartut peqqinnissaqarfik sulisussarsiornerup tungaatigut annertuumik ajornartorsiuteqarpoq, ingammik nakorsanik, peqqissaasunik, kigutit nakorsaannik il.il. sulisussarsiornermi. Peqqinnissaqarfiup sulisuisa amerlanersaat Danmarkimeersuupput.

Sulisussarsiornerup Danmarkimiit ingerlanneqalernerata sunniutaa tassaavog peqqinnissaqarfiup pingaarnermik sulisussarsiorfiusumi najuunnera aamma suleqatigisanit ajornanngitsumik attaveqarfigineqarsinnaanera.

Ornigunnerulluni iliuseqarnissaq ajornarunnaarsinneqarpoq.

Sulisussarsiorartogatiit 2019-imi nittarsaassinerni qulini peqataapput, asoornerup nalaani arlaleriarlutik ataatsimiititsisarput, katillugit 279-inik peqataaffigineqartunik.

Tamatuma saniatigut sulisussarsiorartogatiit qallunaat napparsimmaviinik arlalinnik suleqateqarnissamik isumaqatigiissuteqarnermut (sulisut nikerartinneqarnissaannik isumaqatigiissutit) atatillugu piareersaataasumik suliarujussuaq suleqataaffigisimavaat. Tamatumunnga ilutigitillugu isumaqatigiissutit tamakku qanimut malitseqartinneqartuar-tariaqarmata Danmarkimiinnissaq pingaaruteqarpoq.

DK-mi sulisussarsiornermut tunngatillugu HR-mik pilersitsinikkut siullermik piffissaq angalanermut assartuinernullu atorneqartartoq sivikillisarneqarsinnaavog kiisalu najugaqarnermut aningaasartuutit ikilisarneqarlutik. Tamatuma saniatigut sulisussarsiornerup tungaatigut ilorraap tungaanut allanngortoqarsimavog, sulisussarsiorartogatiit pilersinneqarneratigut ingerlaavartumik suliuarneq qulakkeerneqarluni, taamaalilluni taartaasartunik atuinermut aningaasartuutit 2018-imi kr. 51.323.629-niit 2019-imi kr. 36.691.933-nut apparisimallutik.

**7.§37\_352/2019-mut akissuminni Naalackersuisut allapput amqip qalipaataanut, suaassusermut, ukiunut imaluunniit nunamit suminngaaneernermit tunngatillugu immikkoortitsisoqanngitsoq. Aammalu peqqinnissaqqarfimmi atorfinittoqartartoq suliasatigut piginnaasat aallaavigalugit aamma kinaassusersiorani aalajangiinartoqartartoq.**

**- Naalackersuisut ilisimatitsissutigisinnaavaat suliaminnut pikkorissunik Nunatsinneersunut aamma / imaluunniit Nunatsinnut attaveqarluartunut tunngatillugu sulisussarsiornermi, ineriartortitsinermi sulisorisallu**

## **tigummiinnarnissaannut Peqqinnissaqarfiup naleqartitai tigussaasut qanoq ittuunersut?**

Peqqinnissaqarfiup pingaartitarai ataqqinninneq, tatiginninneq, suliamut pikkorissuuneq peqqissaartuunerlu. Pingaartitat taakku peqqinnissaqarfimmi sulinermi sutigut tamatigut atorneqarput – aamma sulisussarsiornermut, ineriartortitsinermit sulisoreriikkallu sulisoriinnarnissaannut tunngatillugu.

Piginnaasanik ineriartortitsineq sulisoreriikkat sulisoriinnarnissaannut ineriartortitsiner-mullu ilaavoq pingaarutilik. Taamaattumik kikkulluunniit ukioq ataaseq sinnerlugu sulisuusimasut piginnaasaminnik ineriartortitsinissaminnut periarfissaqarput. Nakorsanut, kigutit nakorsaannut tunngatillugu aamma PPK-mut tunngasuni piginnaasanik ineriartortitsinissamut aningaasat atorneqartussat maleruagassallu isumaqatigiissummut ilanngunneqareertarput.

Tamatuma saniatigut sulisut tamarmik ilinniarteqqinneqarnissaannik immikkullu ilisima-saqalernissaannik pilersarusiorneq ingerlaavartumik sulissutigineqarpoq. Tamatumunnga atatillugu kinguaassatta sutigut tamatigut tapertaanissaat piukkunnaa-teqarlutillu piginnaasaqalernissaat pingaartinneqaqaluni sulissutigineqarpoq.

Aamma Peqqinnissaqarfik suliffimmik misiliffissanik assigiinngitsunik neqerooruteqar-tarpoq, ajornanngikkaangat. Taamaaliortarpoq ilinniarnermik naammassinninnerup kingorna sulilernissaq ajornannginnerulersinniarlugu.

Suliniutit tigussaasut makku ilaatigut eqqarneqarsinnaapput:

- nakorsanngorniartut kalaallit nakorsat qullersaannit qanimut malinnaa-vigineqarput, ukiumoortumillu ataatsimiittoqartarpoq. Tamatumunnga ilutigitillugu nakorsanngorniartut Kalaallit Nunatsinni suliffimmik misiliinissamut ilinniartuuffissaqarnissamullu salliunneqartartussaapput.
- peqqissaasut kalaallit peruluttunut imaluunniit sinitsitsinermit peqqissaasutut ilinniaqqitsinniarlugit aalajangersimasumik suliniute-qartoqarpoq. Ilinniaqqinneq tamanna Danmarkimi ingerlanneqartarpoq Peqqissutsimilli Naalakkersuisoqarfimmit Peqqinnissaqarfik peqatiga-lugu aningaasalersorneqartarluni.
- peqqissaasut amerlanerit peqqinnissamut siunnersuisartumut ilinniaq-qissimasut kalaaliupput
- inuusuttut ilinniarnernannik tapersersuinissaq ukkatarineqarpoq taamaa-lillunilu ilinniartut sionatigummit amerlanerit tiguneqartarput, assersuu-tigalugu quersualerisutut assartuisutullu ilinniarnermi.

Aalajangersimasumik atorfillit akissarsiaqartinneqarnerunissaat peqqinnissaqarfiup isumaqatigiissutinik isumaqatigininniartoqartillugu kissaatigisarpaa.

**8. Peqqinnissaqarfiup pingaarnertut suliassaasa, tassalu katsorsaanikkut paaqqutarinninnikkullu suliassat, avataanni inissisimasut suliassat eqqarsaatigalugit siunnersortinut aningaasartuutit kr / ørit qassit ukiuni 2017, 2018 aamma 2019 atorneqarsimappat?**

Aningaasat kr.1000 -inngorlugit allanneqarput

Sunaanera	Naatsorsuutit 2017	Naatsorsuutit 2018	Naatsorsuutit (191219) 2019*
Advokati (Kiffartuussinermi)	164	125	31
Kukkunersuisoq(Kiffartuussinermi)	-	23	
Oqalutsit (Kiffartuussinermi)	272	352	211
Misissueqqissaartartoq	113	21	
Ilinniartitsisut/censorit	1.196	759	
IT pillugu isumaqatigiissut	10.173	10.592	9.627
Paasititsiniaaneq	411	653	70
Inuunerissaasut il.il.	853	768	201
Siunnersorti il. illuutinut	3.226	4.578	1.616
Sulisussarsiorneq	-	294	-
Sius. iliutsit (FL suliniuteqarfik)	650	745	440
Allat	785	691	1.607
<b>Katillugit</b>	<b>17.843</b>	<b>19.600</b>	<b>13.803</b>

(\* Ukioq naatsorsuusiortiusoq 2019 naammassivinnikuunngilaq)

IT pillugu isumaqatigiissutit peqqinnissaqarfiup qarasaasiaanut kiisalu qarasaasiat atortussaannut tunngasuupput.

Siunnersorti il.il illuutinut tassaapput ingeniøri aamma peqqinnissaqarfiup illuutaanik sanaartukkanillu nutaanik aserfallatsaaliuinnermik tapersuinnermut siunnersorti.

Sulisussarsiornermut ilaavoq nakorsat qullersaannik atorfinitsitsiniarnermi sulisussarsiuussisarfimmik atuineq.

Allanut ilaapput ilaatigut aqutsisunik siuarsaaneq, atorfinitsitsigallarnerni il.il. avataaniit ikiorteqarnermut akiliutit. Dronning Ingridip Napparsimmavissuanik 2019-imi allangortiterinnermi suliniummik aqutsisoq avataaneersoq atorneqarpoq, taamatuttaaq HR-imi pisortaq avataaneersoq piffissami aalajangersimasumi sulitinneqarpoq.

**9. Meeqqat inuusuttullu qassit, nuna tamakkerlugu, kigutimik bøjllersortinnissaannut 2019-imi aningaasaqarneq innersuussutigineqarluni itigartinneqarpat?**

Meeqqat kigutaannik bøjllersuinissaq pillugu aningaasaqarnermik aallaaveqartumik itigartitsisoqarnikuunngilaq. Kigutileriffiup ataani kigutileritinneq meeqqanullu neqeroorteqartarnek kigutilerinnermik suliallit naliliinerat tunngavigalugu pisarpoq.

Inussiarnersumik inuulluaqqusillunga  
Med venlig hilsen



Martha Abelsen

Peqqisutsimut, Isumaginninnermut Inatsisinillu Atuutsitsinnermut Naalakkersuisoq